

领导干部

读经典

柳诒徵  文化

重读经典

丰富思想

提升境界

增强修养



长征出版社

领导干部

读经典

柳诒徵 文化


重读经典

丰富思想

提升境界

增强修养

(下)



长征出版社

皇四時無形潛寒暑以仁物
 是以窺天鑑地痛思皆識其
 端朋陰洞陽質據罕窮其幾
 聖而天地苞乎陰陽而易識
 者以其有陰也陰陽交乎天

大唐三藏聖教序
 太宗文皇帝製
 弘福寺沙門懷仁集書
 將軍王羲之書
 蓋聞二儀有像頭覆載以含




字中書侍郎兼右丞王羲之書表
 初孝春
 咸亨三年十二月日京師法侶建
 之
 父林郎請之乃神力勸石
 天騎尉朱靜藏錄字


于志寧
 中書令南陽縣用國舅朱濟
 神部尚書右陽縣開國口力
 許敬宗
 守黃門侍郎兼右丞于志寧題



集王聖教序拓本(局部)北宋



《感天地窦娥冤》书影



《窦娥冤》插图



《秋江待渡图》



《日知录》书影



顾炎武

顾炎武故里



目录

出版说明.....	001
绪 论.....	001
弁 言.....	008
第一章 中国人种之起源.....	001
第二章 洪水以前之制作.....	008
第三章 家族及私产制度之起源.....	014
第四章 政法之萌芽.....	018
第五章 文字之兴.....	022
第六章 洪水以后之中国.....	030
第七章 衣裳之治.....	036
第八章 治历授时.....	042
第九章 唐虞之让国.....	047
第十章 治水之功.....	054
第十一章 唐虞之政教.....	060
第十二章 夏之文化.....	070
第十三章 忠孝之兴.....	077
第十四章 洪范与五行.....	083
第十五章 汤之革命及伊尹之任.....	089
第十六章 殷商之文化.....	095
第十七章 传疑之制度.....	105

第十八章	周室之勃兴	112
第十九章	周之礼制	121
第一节	国土之区画	124
第二节	官吏之职掌	128
第三节	乡遂之自治	131
第四节	授田之制(附兵制)	137
第五节	市肆门关之政	143
第六节	王朝之教育	147
第七节	城郭道路宫室之制	151
第八节	衣服饮食医药之制	155
第九节	礼俗	165
第十节	乐舞	171
第十一节	王朝与诸侯之关系	178
第十二节	结论	182
第二十章	文字与学术	187
第二十一章	共和与民权	197
第二十二章	周代之变迁	202
第二十三章	学术之分裂	215
第二十四章	老子与管子	222
第二十五章	孔子	229
第二十六章	孔门弟子	244
第二十七章	周末之变迁	253
第二十八章	诸子之学	267
第二十九章	秦之统一	285
第三十章	秦之文化	293
第三十一章	汉代内外之开辟	300
第三十二章	两汉之学术及文艺	307
第三十三章	建筑工艺之进步	325
第三十四章	中国文化中衰及印度文化东来之故	338

第三十五章	佛教入中国之初期.....	345
第三十六章	诸族并兴及其同化.....	350
第三十七章	南北之对峙.....	361
第三十八章	清谈与讲学.....	368
第三十九章	选举与世族.....	378
第四十章	三国以降文物之进步.....	385
第四十一章	元魏之制度.....	398
第四十二章	佛教之盛兴.....	408
第四十三章	佛教之反动.....	419
第四十四章	隋唐之统一及开拓.....	427
第四十五章	隋唐之制度.....	435
第四十六章	隋唐之学术文艺.....	454
第四十七章	工商进步之特征.....	469
第四十八章	隋唐之佛教.....	477
第四十九章	唐宋间社会之变迁.....	489
第五十章	雕板印书之盛兴.....	498
第五十一章	宋儒之学.....	504
第五十二章	政党政治.....	519
第五十三章	辽夏金之文化.....	531
第五十四章	蒙古之文化.....	547
第五十五章	宋元之学校及书院.....	564
第五十六章	宋元间之文物.....	581
第五十七章	河流漕运及水利.....	604
第五十八章	明儒之学.....	613
第五十九章	明之文物.....	621
第六十章	元明时海上之交通.....	649
第六十一章	西教之东来.....	658
第六十二章	明季之腐败及满清之勃兴.....	668

第六十三章	西方学术之输入.....	679
第六十四章	清代之开拓.....	698
第六十五章	满清之制度.....	708
第六十六章	清初诸儒之思想.....	717
第六十七章	康乾诸帝之于文化.....	726
第六十八章	学校教育.....	736
第六十九章	考证学派.....	745
第七十章	国际贸易与鸦片之祸.....	755
第七十一章	内治之腐败及白莲发捻之乱.....	767
第七十二章	外患与变法.....	777
第七十三章	译书与游学.....	802
第七十四章	机械之兴.....	818
第七十五章	种族革命与政治革命.....	831
第七十六章	法制之变迁.....	842
第七十七章	经济之变迁.....	856
第七十八章	最近之文化.....	875
编后记.....		885

第四十四章 隋唐之统一及开拓

自隋文帝开皇九年(581)至唐玄宗天宝十四年(755),为中世史第一次统一之时(中间虽有隋末群雄之乱,不过十年),肃、代以后,遂成藩镇割据之局,唐祚虽仍延至百五十余年,其实不得谓之统一也。然隋、唐统一之时,亦不过一百六十七年,比之汉室则远不逮。此亦可见幅员既广,则破裂易而整理难,非有特殊之才德及适当之法制,而又值群众心理厌乱思治,能以向心力集中于一政府者,未易统治此泱泱大国也。吾国疆域至秦、汉时已极廓大,然三国、两晋以降,未始不继续开拓,如吴平山越、蜀定南蛮,

《蜀志·诸葛亮传》：“建兴三年春，亮率众南征，其秋悉平。军资所出，国以富饶。”《李恢传》：“先主以恢为廉降都督，使持节领交州刺史住平夷县。（裴松之注：廉降，地名，去蜀二千余里，时未有宁州，号为南中，立此职以总摄之。晋泰始中，始分为宁州。）……恢徂尽恶类，徙其豪帅于成都，赋出叟、濮耕牛、战马、金银、犀革，充继军资，于时费用不乏。”

氏杨之辟仇池，

《魏书·氐传》：“汉建安中，有杨腾者，为部落大帅，勇健多计略，始徙居仇池。仇池方百顷，因以为号，四面斗绝，高七里余，羊肠蟠道三十六回，其上有丰水泉，煮土成盐。腾后有名千万者，魏拜为百顷氐王。千万孙名飞龙，渐强盛。……养外甥令狐茂搜为子。晋惠帝元康中，茂搜自号辅国将军、右贤王，群氐推以为主。关中人士流移者多依之。”



鲜卑之开青海，

《隋书·吐谷浑传》：“吐谷浑本辽西鲜卑徒何涉归子也。……涉归死，……吐谷浑与弟若洛廆不协，遂西度陇，止于甘松之南，洮水之西，南极白兰山，数千里之地，其后遂以吐谷浑为国氏焉。当魏、周之际，始称可汗，都伏俟城，在青海西十五里，……其器械衣服，略与中国同。”

爨氏之居曲靖、龙和，

《文献通考》：“西爨蛮，自云本安邑人。七世祖晋南宁太守，中国乱，遂王蛮中。宋元帝时，南宁州刺史徐文盛召诣荆州，有爨瓚者据其地，延袤二千余里，土多骏马、犀象、明珠。既死，子震玩分统其众。隋开皇初，遣使朝贡。”

麴氏之王高昌、焉耆，

《隋书·高昌传》：“高昌国者，汉车师前王庭也。……其地有汉时高昌垒，故以为国号。初蠕蠕立阌伯周为高昌王，伯周死，子义成立，为从兄首归所杀。首归自立为高昌王，又为高车阿伏至罗所杀。以敦煌人张孟明为主，孟明为国人所杀，更以马儒为王，以鞞、鞠嘉二人为左右长史。儒又通使后魏，请内属。内属人皆恋土，不愿东迁，相与杀儒，立嘉为王。嘉字灵凤，金城榆中人，既立，……属焉耆为挹怛所破，众不能自统，请主于嘉。嘉遣其第二子为焉耆王，由是始大，益为国人所服。其风俗政令，与华夏略同。”

或前代所未经营，或昔时未隶疆索者，皆由华人或他族分途竞进，以为后来统一之预备。于是隋若唐袭累世之成劳，集合其地，又加之以恢廓，而造成空前之版图焉。据隋、唐二《志》之言，以较之汉地有过有不及。

《隋书·地理志》：“东西九千三百里，南北万四千八百一十五里，东南皆至于海，西至且末，北至五原。隋氏之盛，极于此。”

《新唐书·地理志》：“太宗元年，因山川形便，分天下为十道；一曰关内，二曰河南，三曰河东，四曰河北，五曰山南，六曰陇右，七曰淮南，八曰江南，九曰剑南，十曰岭南。至十三年定簿，凡州府三百五十八，县一千五百五十一。明年，平高昌，又增州二、县六。其后北殄突厥颉利，西平高昌，北逾阴山，西抵大漠，其地东极海，西至焉耆，

南尽林州南境，北接薛延陀界。东西九千五百一十一里，南北一万六千九百一十八里。”

举唐之盛时，开元、天宝之际，东至安东，西至安西，南至日南，北至单于府。盖南北如汉之盛，东不及而西过之。然高宗时，高丽、百济皆属唐。开元中，始以萨水以南地界新罗，则其东界亦轶于汉矣。

中国南北之分，以江、河为最大之界限。故欲通南北，必先通江、淮以为之枢。春秋时吴将伐齐，先城邳沟，通江、淮。

《左传》哀公九年：“秋，吴城邳沟，通江、淮。”《春秋大事表》（顾栋高）：“春秋列国地形口号：连属江、淮、沂、济波，积成今日转漕河。夫差争长黄池岁，却已功成半又过。”（哀公九年，“吴城邳沟，通江、淮”。杜注：“通粮道也，今广陵邳江是。”又哀公十三年，“会于黄池”。杜注：“在封丘县南，近济水。”《国语》：“夫差起师北征，阙为深沟，通于商、鲁之间，北属之沂，西属之济，以会晋公午于黄池。”案：邳沟，今日漕河。起于扬州府城东南二里，历邵伯、高邮、宝应诸湖。北至黄浦，接淮安界。其合淮处曰末口，在淮安府北五里。自江达淮，南北共长三百余里。又十三年既沟通江、淮，遂帅舟师，自淮入泗，自泗入沂，复穿鲁、宋之境。连属水道有不通者，凿而通之，以达于封丘之济，即杜氏所云近济水也。盖吴人沟通之路，由今考城过杞县北境，历兰阳而至于封丘。今日漕河由淮而北，连合沂、泗、汶、洸及山东诸泉，以济运都，放其遗法。《漕河沿革考》曰：“漕河之北段，即元人之会通河；其南段，春秋吴子所开之邳沟也。”）

历秦、汉至南北朝，其道渐湮而迹犹存，故隋世屡开之。

《隋书·文帝纪》：“开皇七年夏四月，于扬州开山阳渚，以通运漕。”胡身之曰：“春秋吴城邳沟，通江、淮，山阳渚通于广陵尚矣。隋特开而深广之，将以伐陈也。”（炀帝开邳沟详下。）

而通济、永济二渠，江南之河，皆与邳沟衔接。

《通鉴》：“大业元年，营建东京，发河南、淮北诸郡民，前后百余万，开通济渠。（杜佑曰：陈留郡城西有通济渠，炀帝开以通江、淮漕运，兼引汴水，即茭荡渠也。）自西苑引谷、洛水达于河，复自板渚引



河历荣泽入于汴。又自大梁之东，引汴水入泗达于淮。又发淮南民十余万开邗沟，自山阳至扬子入江。渠广四十步，渠旁皆筑御道，树以柳。自长安至江都，置离宫四十余所。”“大业四年，发河北诸军百余万穿永济渠，引沁水南达于河，北通涿郡。”“大业六年，敕穿江南河，自京口至余杭，八百余里，广十余丈。”

于是南至余杭，北至涿郡，西至洛阳，胥可以舟航直达。此隋、唐之所以能统一中国之一大主因也。

《通鉴》：“大业七年，讨高丽，诏总征天下兵，无问远近，俱会于涿。又发江、淮以南水手一万人，弩手三万人，岭南排镦手三万人，于是四远奔赴如流。五月，敕河南、淮南、江南造戎车五万乘送高阳，供载衣甲幔幕，令兵士自挽之，发河南、北民夫以供军需。秋，七月，发江、淮以南民夫及船运黎阳及洛口诸仓米至涿郡，舳舻相次千余里。”

此皆可见南北交通之便。

汉都长安，旧有运渠与渭并行，东抵潼关。隋时修之，名为广通渠。

《通鉴》：“陈至德二年（开皇五年），隋主以渭水多沙，深浅不常，漕者苦之。六月，壬子，诏太子左庶子宇文恺帅水工凿渠，引渭水，自大兴城东至潼关三百余里，名曰广通渠。漕运通利，关内赖之。”

唐天宝初，韦坚为水陆运使，又开广运潭与通渠。而四方之舟，遂可毕萃于长安城下。

《旧唐书·韦坚传》：“天宝元年，为水陆转运使。自西汉及隋，有运渠自关门西抵长安，以通山东租赋。奏请于咸阳拥渭水作兴成堰，截灞、浐水，傍渭东注至关西永丰仓下与渭合。于长安城东九里长乐坡下浐水之上，架苑墙。东面有望春楼，楼下穿广运潭，以通舟楫，二年而成。坚预于东京、汴水，取小斛底船三二百只，置于潭侧，其船皆署牌表之。若广陵郡船，即于袂背上堆积广陵所出锦、镜、铜器、海味；丹阳郡船，即京口綾衫段；晋陵郡船，即折造官端綾绣；会稽郡船，即铜器、罗、吴綾、绛纱；南海郡船，即玳瑁、真珠、象牙、沉香；豫章郡船，即名瓷、酒器、茶釜、茶铛、茶碗；宣城郡船，即空青石、纸笔、黄连；始安郡船，即蕉葛、蚺蛇胆、翡翠。船中皆有米，吴郡即三破糯米、方丈

绫。凡数十郡，驾船人皆大笠子、宽袖衫、芒屨，如吴、楚之制。”

有唐一代财赋，悉仰给于东南。使非累世经营，通达江、淮、河、渭之路，何能使舟航无阻乎？

《新唐书·食货志》：“唐都长安，而关中号称沃野，然其土地狭，所出不足以给京师，备水旱，故常转漕东南之粟。高祖、太宗之时，用物有节而易贍，水陆漕运，岁不过二十万石，故漕事简。自高宗以后，岁益增多，而功利繁兴，民亦罹其弊。”“韦坚开广运潭，岁漕山东粟四百万石。”“刘晏为盐铁使，吴、越、扬、楚盐廩至数千，……岁得钱百余万缗，以当百余州之赋。”“元和中，供岁赋者浙西、浙东、宣歙、淮南、江西、鄂岳、福建、湖南八道，户百四十四万，比天宝才四分之一。兵食于官者八十三万，加天宝三之一，通以二户养一兵。京西北、河北以屯兵广，无上供。”

国内统一，则其力足以外竞，隋、唐其明证也。炀帝之伐高丽，世多讥之，而发见流求，

《隋书·东夷传》：“大业三年，炀帝令羽骑尉朱宽入海访求异俗，……因到流求国。”“明年，帝遣武贵郎将陈棱、朝请大夫张镇州，率兵自义安浮海击之。”

通使倭国，

《隋书·东夷传》：“大业三年，倭王思利北孤遣使朝贡。使者曰：‘闻海西菩萨天子重兴佛法，故遣朝拜，兼沙门数十人来学佛法。’……明年，遣文林郎裴清使于倭国。”

南招赤土，

《隋书·南蛮传》：“炀帝即位，募能通绝域者。大业三年，屯田主事常骏，虞部主事王君政等，请使赤土。帝大悦，赐骏等帛各百匹，时服一袭而遣，费物五千段以赐赤土王。其年十月，骏等……至赤土国。其王以船来迎至王宫，骏等宣诏讫，王诏骏曰：‘今是大国中人，非复赤土国矣。’寻遣那邪迦随骏贡方物。”

西达波斯，

《隋书·西域传》：“炀帝遣云骑尉李昱使通波斯。寻遣使随昱贡方物。”



皆其时之可纪者也。裴矩之撰《西域图记》，虽亦出于逢君之恶，然周知四国、招徕远人，亦贤哲所当为，正不可以闭关自守之见斥之也。

《隋书·裴矩传》：“时西域诸蕃，多至张掖与中国交市。帝令矩掌其事。矩知帝方勤远略，诸商胡至者，矩诱令言其国俗山川险易，撰《西域图记》三卷，入朝奏之。其序曰：……臣既因抚纳，监知关市，寻讨书传，访采胡人，或有所疑，即详众口。依其本国服饰仪形，王及庶人，各显容止，即丹青模写，为《西域图记》，共成三卷，合四十四国。仍别造地图，穷其要害。从西顷以去，北海之南，纵横所亘，将二万里。”“帝复令矩往张掖，引致西蕃，至者十余国。……及帝西巡，次燕支山，高昌王、伊吾设等，及西蕃胡二十七国，谒于道左。皆令佩金玉，被锦罽，焚香奏乐，歌舞喧噪。复令武威、张掖士女，盛饰纵观，骑乘填咽，周亘数十里，以示中国之盛。……矩以蛮夷朝贡者多，讽帝令都下大戏。征四方奇技异艺，陈于端门街，衣锦绮、珥金翠者，以十数万。又勒百官及民士女，列坐栅阁而纵观焉。皆被服鲜丽，终月乃罢。又令三市店肆，皆设帷帐，盛列酒食，遣掌蕃率蛮夷与民贸易，所至之处，悉令邀延就坐，醉饱而散。蛮夷嗟叹，谓中国为神仙。”

唐太宗、高宗时，国威之隆，尤无伦比。

《东洋史要》（桑原鹭藏）：“唐太宗、高宗两朝，国势之盛，旷古无两。虽力征经营，专属东西北三面，于南徼或未暇及，而威声所播，南方诸小国先后朝贡称藩。如占城（今交趾）、真腊（今柬埔寨）、扶南（今暹罗）、婆利（今婆罗洲）、阁婆（今爪哇）、室利佛逝（今苏门答刺）诸国，以及东谢（今四川涪陵县）、西赵（今云南凤仪县）、牂柯（今贵州思南县）诸蛮，皆于其时来廷。于是唐威令所行，东综辽海，北跨大磧，西被达曷水（今低格里河），南极天竺，暨海洋洲中诸小国。既拥此广土，欲筹所以统理之者，乃即其部落列置州县，其大者为都督府，以其首领为都督刺史，皆得世袭。虽贡赋版籍多不上户部，然声教所暨，皆边州都督、都护所领，著于令式。其突厥、回纥、党项、吐谷浑隶关内道者，凡府二十九，州九十；突厥别部及奚（东部鲜卑宇文之别种，据今内蒙喀喇沁部地）、契丹、靺鞨、降胡、百济、高丽隶河北

道者，凡府十四、州四十六；突厥、回纥、党项、吐谷浑之别部及自于阗以西、波斯以东十六国隶陇右道者，凡府五十一、州百九十八；羌蛮隶剑南道者，凡州二百六十一；蛮隶江南道者，凡州五十一；隶岭南道者，凡州九十三；又有党项州二十四，不知其隶属。大凡府、州八百五十六，号为羈縻云。都督府为数较多，又分并置罢不常，兹不具载。都护府例置大都护一、副大都护各二，皆由唐廷特简。其治所及所统如下：（一）安西都护府，统西域天山南路至波斯以东，治西州（今吐鲁番），后徙龟兹（今库车）；（二）燕然都护府，统漠北，治天德军（今吴喇忒西北黄河北岸）；（三）单于都护府，统阴山之阳黄河之北，治振武军（今托克托西北）；（四）瀚海都护府，统漠南，治云中（今大同）；（五）昆陵都护府，统西突厥五咄陆部落，治碎叶川东；（六）濠池都护府，统西突厥五弩失毕部落，治碎叶川西；（七）安东都护府，统高丽、百济、降户，治平壤，后徙新城；（八）北庭都护府，统金山以西及天山北路，治庭州（今乌鲁木齐）；（九）安南都护府，统诸蛮，治交州（今安南东京）；（十）峰州都护府，统蜀爨蛮，治嘉宁（今安南太原）。”

突厥、回纥之酋长，并列于朝；

《旧唐书·突厥传》：“太宗用温彦博计，于朔方之地，自幽州至灵州，置顺、祐、化、长四州都督府，又分颍利之地六州，左置定襄都督府，右置云中都督府，以统其部众。其酋首至者，皆拜为将军、中郎将等官，布列朝廷，五品以上百余人，因而入居长安者数千家。”《回纥传》：“显庆元年，程知节等大破贺鲁于阴山，尽收所据之地，执贺鲁送洛阳。以贺鲁种落分置州县，西尽波斯。加婆闰右卫大将军兼瀚海都督。”（婆闰，故回纥酋长吐迷度之子，初官右屯卫大将军翊左郎将。）

新罗、日本之生徒，骈罗于学。

《旧唐书·新罗传》：“贞观二十二年，金春秋请诣国学观释奠及讲论，太宗因赐以所制温汤及晋祠碑，并新撰《晋书》，将归国。”“开元十六年，其王兴光上表，请令人就中国学问经教。上许之。”（黄遵宪《日本国志》载唐高祖、太宗时，并有日本学生，详东亚史。）